

ՈՒՆՏԱԳՆԱՅՈՒԹՅՈՒՆ ԴԵՊԻ ՕԶՈՒՆ

«Ուխտս դիր եւ կատարեցէք»

Հայաստանում քրիստոնեության պետական կրոն հռչակման 1700-ամյակի տոնակատարության շրջանակում կարևորագույն դեր ունեն ուխտագնացությունները: Ուխտագնացությունը յուրաքանչյուր քրիստոնյայի հարգանքի ու խոնարհության մատուցումն է պատմական այն դեմքերի նկատմամբ, ովքեր իրենց ապրած ու գործած ժամանակահատվածում «գրաւորք պատերազմն պատերազմեցին»: Հայ Եկեղեցու պատմության մեջ ալսպիսի դեմքերից է Ս. Հովհան Օձնեցին՝ Ը դարի մեր նշանավոր Հայրապետը, ով հայ ժողովրդի կյանքում բացառիկ դեր է ունեցել արաբա-բյուզանդական հակամարտությունների շրջանում:

Երանաշնորհ Հայրապետի հիշատակին հարգանքի տուրք մատուցելու և նրանով նորոգվելու համար էր, որ ապրիլի 17-ին բազմաթիվ ուխտավորներ էին հավաքվել Գուգարաց թեմում:

Թեմի բարեջան առաջնորդ Ս. Սեպուհ եպս. Չուլջանի և Լոռիի մարզպետարանի նախաձեռնությամբ դեպի Օձուն կազմակերպված ուխտագնացությանը մասնակցելու էին եկել Մայր Աթոռ Ս. Էջմիածնի բարձրաստիճան հոգևորականներ, Մայր Աթոռի ղիվանապետ Ս. Ներսես արքեպս. Պողոսյանը, Երևանի Պետական Համալսարանի Աստվածաբանության ֆակուլտետի դեկան Ս. Շահե արքեպս. Աճեմյանը, Հայաստանում քրիստոնեությունը պետական կրոն հռչակման 1700-ամյակի գրասենյակի վարիչ-քարտուղար Ս. Մեսրոպ արքեպս. Աշճյանը, Արցախի թեմի առաջնորդ Ս. Պարզն եպս. Մարտիրոսյանը, Արագածոտնի թեմի առաջնորդ Ս. Նավասարդ եպս. Կոռյանը, Ս. Եփրեմ արքեպս. Թապալյանը (Լիբանան), Շիրակի թեմի առաջնորդական փոխանորդ Ս. Փառեն ծ. վրդ. Ավետիքյանը :

Պատարագ Օջունի Ս. Հովհաննես եկեղեցում

Վաղ առավոտյան ուխտավորների բազմությունը Վանաձորի առաջնորդանիստ Ս. Աստվածածին եկեղեցուց շարժվեց դեպի Օձուն: Այս նշանավոր գյուղը, ուր ծնվել էր իմաստասեր Հայրապետը, գտնվում էր աշխույժ եռուզեռի մեջ: Օձունցիները շտապով գնում էին դեպի եկեղեցի, որը, շուրջ 1600-ամյա մի կառույց, սքանչելի մի ներդաշնակություն էր ստեղծում վանքի շրջափակի կանաչագարդ տարածքի հետ և իր գմբեթավոր սլացքով կարծես մխրճվում էր երկնքի մեջ:

Նախքան Ս. Պատարագի սկսվելը, կատարվեց գլուղի կենտրոնում կառուցված Ս. Հովհան Օձնեցու արձանի բացումը: Ժամը 11:30-ին սկսվեց Ս. Պատարագը: Պատարագիչն էր Մայր Աթոռի միաբան Ս. Արշակ արքեպ

խաչատրյանը: Ս. Պատարագին մերկա էին քեմի առաջնորդ Ս. Սեպուհե եպս. Զուլքյանը, Տ. Ներսես արքեպս. Պոգապալյանը, Տ. Շահե արքեպս. Աճեմյանը, Տ. Մեսրոպ արքեպս. Աշճյանը, Տ. Պարզե եպս. Մարտիրոսյանը, Տ. Նավասարդ եպս. Կճոյանը, Տ. Եփրեմ արքեպս. Թապազյանը, Լոռու մարզպետ Հ. Զոչինյանը, Օձունի գյուղապետը, հոգևոր ու աշխարհիկ այլ այրեր, հավատացյալ ժողովրդի հոծ բազմություն: Պատարագի ընթացքում, «Հայր մեր»-ից առաջ, խորանից, մերկամերին դիմեց Արցախի քեմի առաջնորդ Տ. Պարզե եպս. Մարտիրոսյանը: Սրբազան Հայրը քարոզի մեջ կարևորեց ուխտագնացությունների գաղափարը և ընդգծեց Ս. Հովհան Օձնեցի իմաստասեր Հայրապետի ապրած աստվածահաճո կյանքն ու հոգևոր բարեմասնությունները:

Դեպի Արդվի

Ս. Պատարագի մատուցումից հետո ուխտավորների բազմությունը շարժվեց դեպի Արդվի, ուր ամփոփված է Հովհաննես Օձնեցու աճյունը: Եպիսկոպոսաց դասի և հոգևոր Հայրերի առաջնորդությամբ՝ ուխտավորները քարձրացան Արդվիի քարձրադիր վայրերից մեկում գտնվող Ս. Հովհաննես եկեղեցին՝ շրթներին «Ուրախ լեր» շարականը: Այն մատուցում, ուր ամփոփված էր Հայրապետի աճյունը, կատարվեց ուխտավորների տաճար մուտք գործելու արարողություն: Երգվեց «Հայրապետ սուրբ և ամբիժ» շարականը, քաղվեցին սաղմոսներ և ընթերցվեցին «Առ դրամն սրբոյ եկեղեցւոյ» ու «Որ ըմտրեցեր» աղոթքները:

Վերջում մերկամերին, որոնց թվում էին Եփրեմ, Պարզե, Սեպուհե, Նավասարդ Սրբազանները, իր պատգամն ու խորհրդածությունները փոխանցեց Տ. Մոսրոպ արքեպս. Աշճյանը: Սրբազան Հայրը հատկապես շեշտեց սրբահռչակ Հայրապետի իրական՝ կյանքում ապրած աստվածաշունչությունը և, հայացքը հառած Օձնեցու տապանաքարին, նշեց, «Ս. Հովհան Օձնեցու դամբարանը, որ անշուք ու պաղ է իր արտաքին երևույթի մեջ, շքեղագույններից ու հոգևոր ջերմացուցիչներից է իր հոգևոր խորհրդով»:

Արարողության ավարտին ուխտավորները կրկին մեկնեցին Օձուն, որտեղ մասնակցեցին սիրո ճաշի: